





**OPORTUNIDAD PA
INSCRIBI BO YIU PA E
PROGRAMA DI PRISMA
NA SKOA**



WWW.SOLODIPUEBLO.COM



SOLODIPUEBLO@GMAIL.COM

**INFORMACION INCORECTO DI
AVP VIA RED SOCIAL Y MEDIA
POR COMPLICA PROCESO DI
FORMACION DI GOBIERNO**



**DESACUERDO ENTRE AVP Y FUTURO RIBA
CANTIDAD DI MINISTER: AVP A DUNA FUTURO 2
MINISTER "TAKE IT OR LEAVE IT"**



Marco Berlis (MEP):

**"E LUCHADO INCANSABEL: BETICO
CROES, E LIBERTADOR DI ARUBA**

**FUNDACION VOLUNTEER MOTOR UNIT
ARUBA (VMUA) CU DI 2 EDICION RUN &
WALK 2025 CU 2 DIA DI PARTICIPACION**



**MOTOCICLISTA
HERIDA DEN
ACCIDENTE Ariba
CAMINDA DI
TANKI FLIP**



HYUNDAI A LORA SIN DUNA UN HONDA SU PREFERENCIA E HONDA A BRAKE FUERA DESVIA PERO IMPACTO TABATA INEVITABEL



Diasabra madrug a drenta informe di un accidente cu hende herida na Shaba, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un Hyundai a lora sin a mira cu un Honda ta biniendo,

e chauffeur di e Honda a brake y purba desvia pero e impacto tabata inevitabel. E impacto tabata fuerte

y a pone e Honda perde control y baha caminda. Door di e impacto e chauffeur a resulta herida.

Na yegada di e ambulans nan a atende y a transporte pa hospital.



STATEN VAN ARUBA

**OPENBARE VERGADERING OP 27 JANUARI 2025 OM
11:00 UUR V.M. IN DE VERGADERZAAL VAN DE STATEN VAN ARUBA**

TE BEHANDELEN ONDERWERP

Agenda:

1. Vaststelling organisatie- en formatieplan en concept arbeidsovereenkomst conform artikel 13 Landsverordening Ombudsman door de Staten van Aruba

De Griffier,

mr.drs. Herman Ch. J. Hek

INFORMACION INCORECTO DI AVP VIA RED SOCIAL Y MEDIA POR COMPLICA PROCESO DI FORMACION DI GOBIERNO



Durante e proceso di formacion di un gabinete nobo pa pais Aruba, hopi confusion a surgi tocante comunicacion entre e dos partidonan politico cu ta na mesa di negosacion. Señora Gerlien Croes, lider di FUTURO y co-formador, a duna claridad tocante e situacion, señalando cu a falta comunicacion oficial riba algun punto importante. Un ehempel notable ta e alegacion cu AVP a duna un ultimatum di 48 ora pa logra un acuerdo di gobernacion. Sinembargo, Croes a declara explicitamente cu FUTURO no a haya ningun notificacion oficial di esaki.

Di otro banda, hopi informacion tabata circula via prensa y red social. Croes a remarca cu algun di e informacion aki no ta

veridico ni ta corecto, algo cu ta crea un ambiente di confusion pa pueblo y ta hasta pone mas presion riba e proceso di formacion. Segun Croes, e falta di claridad den comunicacion por trece consternacion innecesario y hasta dañ e relacion entre e partido politiconan.

Gerlien Croes a expresa cu e falta di formalidad den comunicacion, manera ta existi den un proceso tan delicado, ta un problema cu por a evita. Segun Gerlien, tur informacion referente e proceso mester ta canalisa directamente entre e dos formadornan y mester sali oficialmente, envez di a via otro medio cu por crea mas duda.

Pa FUTURO, ta fundamental pa proteha e proceso y evita cu

informacion no verifica por dañ e esfuerzo cu ta wordo haci pa forma un gobierno.

SOLO DI PUEBLO ta conclui cu e situacion aki ta muestra claramente cu un falta di comunicacion formal y transparencia cu ta causa confusion y desconfiansa den un proceso hopi importante

pa e pais. Ta crucial pa e lidernan y e partido politiconan traha hunto pa mantene un canal di comunicacion cla y eficiente, manera cu pueblo di Aruba por haya e confiansa necesario den e gobernacion.

E hecho cu Partido AVP a sali bay prensa cu un supuesto 48 ora, y despues

a hisa benta tur datos di negosacion riba red social, solamente por contribui na mas obstaculo pa por forma un gobierno. E dos formadornan tin te cu 18 di Febuari pa entrega un rapport oficial riba formacion. Pues ainda tin como 3 siman di tempo pa nan por yega na un acuerdo.



Corte di Prome Instancia 27 januari 2025

| Horario | Sospechoso | Acto Castigabel |
|---------|------------------|------------------------------------------------------------------------------------------------------------------------------------------------------------------------------------------------------------------------------------------|
| 08.15 | D.E.J. R.J.D. | Uitspraak |
| 08.30 | K.J.H. | H. ta wordo acusa di venta y posesion di marihuana den e periodo di prome di januari 2024 te 31 di oktober 2024. |
| 09.30 | G.N.M. | M. ta wordo acusa di kiebro y ladroncia di un suma di placa den un cas riba 14 di oktober 2024. |
| 10.00 | C.M.M.A. | M.A. ta wordo acusa di kiebro y ladroncia di propiedadnan di turistanan den un cinco diferente low rise y high rise hotel riba 21 di augustus 2024, 14 di september 2024, 24 september 2024, prome di oktober 2024 y 17 di oktober 2024. |
| 11.30 | F.A.J.D. | D. ta wordo acusa di kiebro y ladroncia di pertenencianan di un persona den un cas riba 16 di augustus 2024. |
| 13.30 | E.S.M.d.I.H. | M.d.I.H. ta wordo acusa di a viola ley di droga riba 12 di april 2024. |
| 15.00 | J.A.H. | H. ta wordo acusa di kiebro y ladroncia riba 17 di oktober 2021. |

Marco Berlis (MEP):

“E LUCHADO INCANSABEL: BETICO CROES, E LIBERTADOR DI ARUBA

Riba e isla chikito pero orguyoso di Aruba, un number ta resona cu forsa den e memoria colectivo di su pueblo: Gilberto François "Betico" Croes. Nacé na 1938, Betico a bira e simbolo di e lucha pa autonomia y e cara di e movimiento pa Status Aparte di Aruba.

For di su añanan hoben, Betico tabata un estudiante sobresaliente. Su educacion na Hulanda a habri su wowo pa e posibilidadnan di gobernacion propio y a inspira su vision pa futuro di su isla stima. Ora el a bolbe Aruba, el a cuminsa su carera como maestro, compartiendo su conocimiento y pasion cu e generacion nobo.

Pero tabata den politica cu Betico a haya su berdadero vocacion. Na 1971, el

a funda e Movimento Electoral di Pueblo (MEP), cu un meta cla: separa Aruba for di Antias Hulandes y logra un Status Aparte den Reino Hulandes. Su carisma y dedicacion a inspira miles di Arubiano pa uni na su causa.

E caminda pa liberacion no tabata facil. Betico mester a enfrenta oposicion fuerte, tanto na cas como na Hulanda. Pero su determinacion tabata inquebrantabel. El a organisamanifestacionnan pacifico, a negocia incansabelmente, y a usa su elocuencia pa gana sosten pa su vision di un Aruba liber.

E momento culminante di su lucha a yega na 1986, ora Aruba finalmente a logra su Status Aparte. E isla

a bira un pais autonomo den Reino Hulandes, cumpliendo e soño pa cual Betico a lucha asina duro. Tristemente, Betico no por a mira e fruta completo di su labor. Un accidente tragico na 1986 a kita su bida, djis prome cu e realizacion total di su vision.

E pueblo di Aruba a keda profundamente conmovi pa e perdida di nan lider stima. Miles a sali riba caya pa despedi di nan "Libertador", reconociendo e sacrificionan inmenso cu el a haci pa nan futuro. Betico su dedicacion na su isla y su pueblo tabata asina grandi cu el a pone nan bienestar riba tur cos, incluso su mes famia y su salud.

Awe, mas cu 30 año despues di su fayecimento,



e legado di Betico Croes ta bibo ainda den cada rincon di Aruba. Su number ta adorna cayanan, scolnan y monumentonan. Pero mas importante ainda, su spiritu di lucha y amor pa Aruba ta sigui inspira generacionnan nobo di Arubianonan.

Betico Croes tabata mas cu djis un politico; e tabata un visionario, un educador, y riba tur cos, un patriota apasiona. Su


bida ta un testimonio di loke determinacion y amor pa un causa por logra. E pueblo di Aruba nunca lo lubida e sacrificionan cu Betico a haci, y lo sigui honra su memoria como e berdadero libertador di nan isla stima. Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbidor di pueblo na bo ordo semper!

ACCIDENTE CU UN HENDE HERIDA ENTRE UN TRUCK Y UN MOTOCICLISTA NA TANKI FLIP



Diadomingo madruga accidente cu hende herida a drenta informe di un na Tanki Flip, mesora a

dirigi tanto polis como ambulans na e sitio. Na yegada di e patruya a bin compronde cu aki ta trata di un accidente entre un truck y un motorcycle unda e truck a yega lora sin a mira e motociclista y a bay dal'e. Debi na e fuerte impacto e motociclista a cay y a herida su mes. Na yegada di e ambulans mesora nan a atende y a transporte pa hospital.



DESACUERDO ENTRE AVP Y FUTURO RIBA CANTIDAD DI MINISTER: AVP A DUNA FUTURO 2 MINISTER "TAKE IT OR LEAVE IT"

Den e proceso di formacion di gobierno entre AVP y FUTURO, un punto di desacuerdo ta continua, esta e cantidad di ministernan cu cada partido lo haya. AVP a ofrece FUTURO dos minister den e gabinete, mientras cu FUTURO ta insisti cu nan mester haya tres minister. Esaki ta crea un situacion di tension den e negociacionnan, cu ya ta hopi delicado y crucial pa e futuro di gobernacion di Aruba.

Segun informacion publica, AVP ta basando su oferta riba nan posicion di resultado di eleccion reciente, considerando nan cantidad di asiento den Parlamento. FUTURO, di otro banda, ta argumenta cu nan rol den e formacion y nan

peso politico actual ta hustifica un cantidad mas grandi di minister. Esaki ta pone un obstaculo pa logra un compromiso entre e dos partido politico.

Lider di FUTURO, Gerlien Croes, a indica anteriormente cu e proceso mester ta basa riba respet mutuo y un dialogo abierto. E desacuerdo aki, sinembargo, ta muestra cu pa logra un balance necesario pa forma un gabinete di coalicion no ta facil. Gerlien a menciona cu e formacion di Gobierno no por bay ken tin mas cu otro, sino mester tin trato igual.

Interno den AVP, e postura di 7 minister ta haci

su impacto. Si Futuro persisti pa 3 minister, AVP lo haya 4 minister y esaki ta haci AVP hopi dolor interno, ya cu nan lo no por logra acomoda tur e promesanan di minister.

Internamente, esey tabata e gritonan di desesperacion di "48 ora", cual a wordo confirma pa Mike Eman cu partidonan ta leuw for di otro. For di seno di AVP, nan tabata asina rabia cu nan a cuminsa "blaas" Gerlien Croes riba social media, yamando e pa tur sorto di cos, mustrandone atrobe un falta di respect contra nan futuro partner di coalicion. Un consehro di AVP a yama Gerlien pa "The Queen of Sheba", entre otro.

OPORTUNIDAD PA INSCRIBI BO YIU PA E PROGRAMA DI PRISMA NA SKOA



Oranjestad, Aruba: Ainda tin algun cupo pa inscripcion den e programa di "Schakelklas Prisma" pa aña escolar venidero.

Ken tin cu inscribi pa Prisma?

Prisma ta un programa di preparacion pa muchanan cu no ta domina e lenguahe di Hulandes. E ta un programa di 1 aña cu ta prepara muchanan pa nan por integra den scol regular exitosamente caminda Hulandes ta e lenguahe primario den e curiculo. E programa di

Prisma ta evalua tambe e desaroyo academico a base di cada mucha su prestacion di siñamento y tambe nan desaroyo social - emocional cu ta importante pa nan crecimiento en general.

Con pa inscribi pa Prisma? Por aplica via website www.skoa.aw pa asina inscribi completamente online. Bay riba e website y click ariba inschrijven y despues scoge pa Prisma.

Di eynan mester sigui e intruccionnan ariba e website pa completa e aplicacion di cada mucha. Si tin duda con pa inscribi via nos website por pasa libremente na nos oficina di SKOA situa na Copernicusstraat 11, Aruba durante orario di oficina entre 8am - 12pm y 2pm - 4pm. Por haya

mas informacion ariba nos website www.skoa. aw y tambe por yama nos directo na (+297) 523 1800 durante orario di oficina.



CHAUFFEUR DEN UN LEXUS CU VELOCIDAD HALTO A SLIP PERDE CONTROL BAY DI ATRAS DAL MATA DI COCO




Diadomingo madruga a drenta informe di un accidente dilanti di C.M.B. na Palm Beach, mesora a dirigi un patruya na e sitio.

Na yegada di e patruya

a bin compronde cu un chauffeur bayendo pabao cu velocidad halto a perde control bay di atras dal mata di coco bira bek bay halto y para na un distancia.

E chauffeur mes a keda ileso pero e auto a wanta tur e sla, awor e chauffeur mes cu a cana bay laga su auto atras lo mester bay carga tur e gasto di reparacion.

ACCIDENTE HIT & RUN DEN PARKINGLOT DI SEAPORT MARKET PLACE



Diasabra madruga a drenta informe di un accidente den e parkinglot di Seaport Market Place, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda cu un empleado cu a caba di traha den oranan di madruga a bin haya su auto cu 2 sla riba dje.


Lo ta bon pa esun cu a dal e auto aki pasa den oranan di dia na warda di Balashi prome cu polis mes presenta na su cas of trabao pa bay atende cu'bo. Pasobra den e area ey tin hopi camara.

POLIS A BAY NA UN CLUB NA ORANJESTAD PA UN PELEA CU MENASA



Diadomingo madruga a drenta informe di cu tin un caso di pelea cu menasa na un club nocturno na Oranjestad, mesora a dirigi polis na e sitio. Na yegada di e patruya a bin compronde cu e bringadornan a bandona e sitio caba por a compronde cu e pelea mes a tuma lugar pafor y tabata tin menasa tambe. Na un dado momento nan lo a start un discucion cu e security y despues a bandona e sitio. Polis a controla e paden y como cu e lugar ta den sera polis a keda tira bista.

MOTOCICLISTA HERIDA DEN ACCIDENTE ARIBA CAMINDA DI TANKI FLIP



Tanki Flip - Diadomingo pasa di mey anochi a sosode un accidente entre un Kia Flatbed lastrando un trailer y un brommer.

Polis a bay cu urgencia pa

e sitio, cu tawata pariba di e rotonde di Tanki Flip. Eynan segun prome Informacion e motociclista lo tawata ariba suela. Ta asina cu segun testimonian chauffeur di e Kia Flatbed



lo a bira na su man robes y no a duna e brommer preferencia. E brommer a dal parti dilanti di e Kia Flatbed y depues bay cay banda di panort.

Tanto ambulance y polis a yega basta lihe. Ey nan a bin topa cu e motociclista na suela, cu tawata sangra na cara y mas golpi na curpa.


Paramediconan a papia cu ne y a haci'e algun



pregunta pa despues lant'e y pone ariba brancard. Un otro ambulance a yega pa duna un man. E caminda a wordo cera,

debi cu departamento di trafico lo mester a presenta pa haci nan parti. Ambulance a hiba e motociclista Hospitaal.

CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI OTRO AUTO NA POS ABAO



Diadomingo madruga a drenta informe di un accidente na Pos Abao, mesora a dirigi un patruya na e sitio.

Na yegada di e patruya a bin compronde cu aki ta trata di un accidente chikito unda cu un chauffeur no a regula su velocidad ni a mantene distancia ela bay dal tras di e auto su dilanti, Afortunadamente ningun hende a resulta herida.



MICRO-CERTIFICATE DI “SPORT & EVENT MANAGEMENT” NA UNIVERSIDAD DI ARUBA



Un colaboracion entre University of South Carolina (USC) y Universidad di Aruba (UA) Facultad di Hospitalidad y Turismo

Universidad di Aruba (UA) Facultad di Hospitalidad y Turismo ta anuncia cu lo ofrese un biaha mas e Micro-Certificate di Sport & Event Management den colaboracion cu University of South Carolina, di cual e Sports Management program ta ranked No. 1 den ful Merca. Lo brinda e oportunidad di sigui e programa di Sport and Event Management riba nivel di Master cu ta consisti di cinco (5) module na Universidad di Aruba. E personanan cu completa e estudio aki lo ricibi un certificado y lo ta ekipa pa organisa diferente proyecto deportivo na Aruba basa ariba ehempel nan internacional. E curso di Sport and Event Management ta inicia dia 5 di februari 2025 proximo y lo ta parti den cinco (5) diferente seccion finalisando na november 2025.

E meta di e

micro-certificate ta pa provee un comprension mas amplio y specifico di deporte y evento como negoshi enbez di solamente recreativo. E principianan y practica cu lo cubri den e sesion nan lo ekipa e participantenan cu e heramiento nan necesario pa planea, organisa, mercadea, crea fondo, y opera eventonan deportivo na Aruba. E professornan di USC tin amplio conocimiento academico y experiencia practico cu lo duna e participantenan un “roadmap” pa plania, implementa y evalua eventonan exitosamente. Na final lo mester entrega un plan pa culmina e curso.

Sra. Jo-Anne Croes di Universidad di Aruba a comparti informacion di e cinco tayer nan cu lo cubri den e programa cual ta lo siguiente:

1. Sport and Event Marketing (Mercadeo di Deporte y Evento) – Dr. Stephen Shapiro – Februari 5 & 12
2. The Business of Sport (Management and Organization) / E negoshi di Deporte (Maneho) – Dr. Andy Gillentine – Februari

- 19 & 26
 3. The Finance of Sport Event Management (Maneho di Financiamiento di Deporte y Evento) – Dr. Matt Brown – March 26 & April 2
 4. Introduction to Event and Venue Management (Maneho di Facilidat y Evento) – Adonis “Sporty” Jeralds – October
 5. Managing Part-Time Volunteers and Employees / Maneho di voluntario nan y empleadonan part-time – Dr. Samuel Todd – November
- E obhetivonan di e programa ta pa participantenan:
- D e m o s t r a comprension di e terminologia, teoria y principianan di deporte y evento pa asina aplica e conocimiento aki na eventonan deportivo den practica.
 - Demuestra un conocimiento amplio di e maneho di recursonan humano, incluso tuma un hende na trabou, distribucion di trabou, traha un plan di trabou, maneho y evaluacion di productividad.



- Crea plan pa coordina, implementa, y opera un evento deportivo mientras ta sigura e seguridad di e participantenan y e publico presente.
 - Identifica y diferencia e segmentonan den e mercado, tipo di patrocinadonan y nivel, uso di tools pa colecta data y hasi estudionan, y e elementonan cu ta forma e “marketing mix”.
 - Crea strategianan di mercadeo y entretenimiento cu lo ta exitoso ora e mercado presenta e oportunidad.
 - Crea un compromedimento con
- pa monitor entrada y gastonan y analisa esakinan pa sigura e exito financiero di e eventonan deportivo.
- Esnan interesa den sigui e curso aki y ricibi e micro-certificate ta keda invita pa manda un email pa fhtms@ua.aw pa mas informacion of registra na <https://bit.ly/sportevent2025>. Rekesito pa por participa ta como lo siguiente:
- Bachelor’s degree y/of experiencia di trabou riba nivel di supervisor/manager;
 - Carta di motivacion;
 - Carta di recomendacion.

FUNDACION VOLUNTEER MOTOR UNIT ARUBA (VMUA) CU DI 2 EDICION RUN & WALK 2025 CU 2 DIA DI PARTICIPACION



Fundacion Motor Unit Aruba (VMUA) ta un fundacion cu ta consisti di bikers di diferente Club di Motorcycle. Y conoci pa duna asistencia na organisacion nan durante caredanan y caminata, competencia di ciclismo y entiero nan. Den 11 aña di existencia Fundacion Motor Unit Aruba ta traha hunto cu polis pa cu e seguridad di e participantenan ariba caminda. Diasabra 1 di Februari pa 5or di atardi VMUA hunto cu J P Visser Orthopedic Technical Center ta organisa un evento specialmente pa mucha, hoben y adulto (mayor)) cu un limitacion fisico. E distancia ta 600 mtr. Y por bay e ruta maximo 2x cual e ora lo ta maximo 1200 mtr. E evento ta cuminsa na Paradera, patras di e santana, na altura di e oficina di J P Visser Orthopedic Technical Center. Lo tin na cada skina di e ruta un team di apoyo pa "Cheer" y "Support" tur e participantenan. Lo NO tin

timing system. Solamente un Bibnr. Lo concentra mas ariba seguridad di tur participante. E ta prome biaha y e meta ta pa promove participacion, inclusion, concientisacion y have fun, Por registra via J P Visser Orthopedic Technical Center, yamando telefon: 582-2929. Diadomingo e siguiente dia 2 di Februari, Lo tin categoria pa mucha desde 4 te cu 13 aña, hoben for di 14 te cu 16 aña y adulto for di 17 aña PLUS. Kier meen no tin excusa pa participa. E evento ta cuminsa 6 AM en punto pa e adultonan y 7 AM pa mucha- y hoben nan. Distancia lo ta 6KM pa adulto y pa e muchanan e distancia ta varia depende di nan edad. E START ta patras di e Santana na Paradera na altura di J P Visser Orthopedic Technical Center Tin luga pa solamente 650 participante, cu ta inclui mucha, hoben y adulto. Por registra mas lihe posibel via WWW.VMURUN.COM of via e link: <https://patrishisports.com/events/2nd-VMU-Run-&->

Walk-2025.

Despues cu bo a registra online por paga personalmente na 1 di e 3 tiendanan di NATURE'S DISCOUNT sea na PALM BEACH, SEROE BLANCO of SAVANETA. Por hasi pago solamente na Nature's Discount. Corda registra online prome cu tur cos.

Inscripcion ta costa AFL. 15,00 pa mucha/hoben y AFL. 25,00 pa adulto. No warda te ultimo momento. Lo tin premiacion overall den tur categoria di edad pa adulto, mucha y hoben. Na final lo tin fruta y bebida gatorade pa refresca. Fundacion Volunteer Motor Unit Aruba ta pidi tur participante pa bisti un tshirt di cualke careda cu nan a supervisa ariba e rutan rond di Aruba den e ultimo 11 añanan. Tene cuenta cu tin bon espacio pa parkeer na Club Caiquetio y vecindario. Fundacion Motor Unit Aruba ta conta cu un maximo participacion. Registra mas lihe posibel pasobra OP=OP.


Accidente hit & run entre 2 auto y un hende herida riba E.J."Watty" Vos Blvd.



Diasabra atardi a drenta informe di un accidente riba E.J."Watty" Vos Blvd., mesora a dirigi un patruya na e sitio. Na yegada di e patruya a bin

compronde cu aki ta trata di un accidente hit & run unda un auto a dal otro te pone perde control bay dal na e muraya. Tabata tin un persona cu a pidi

pa ambulans ya cu e tabata tin dolor na su man pero despues a cancela e ambulans. E chauffeur di e Mitsubishi Lancer a subi su auto y a bay.



Accidente hit & run riba E.J."Watty" Vos blvd.




Diadomingo mainta a drenta informe di un accidente hit & run riba E.J."Watty" Vos blvd., mesora a dirigi un patruya na e sitio.

a yegada di e patruya a bin compronde cu e otro partido a bandona e sitio y cu ta un Camaro y e number ta conosi pa polis.



Ela bay laga basta daño riba e Suzuki. Polis a keda di bay pa e chauffeur.

CANDELA DEN CAMBER DI CAS NA SEROE PATRISHI



Diasabra merdia a drenta informe di un candela den un cas na Seroe Patrishi, mesora a dirigi bombero na e sitio. Na yegada di bombero a bin compronde

cu ta un candela na e di 2 piso. Aparentemento lo trata di un bela cu a pega e camber na candela. Mesora nan a combati y a logra paga e candela.

Un persona cu tabata den e camber lo a guli poco huma y pa precaucion a pidi ambulans bin controle. Na yegada di e ambulans a revise y a

CANTANTE Y POETA LILY CLARISA SU BANDA DI ROCK A WORDO NOMBRA COMO ‘BESTE HAAGSE RELEASE VAN 2024’



Riba 31 di december 2024 ultimo, e banda ‘Lilith Left The Garden’ bou guia di e cantante y poeta Lily Clarisa, a ricibi e reconocimiento como Beste Haagse Release 2024 pa su debut ‘Cigarettes After Sex’. Esaki ta di e Redaccion 3voor 12, Den Haag.
Link: <https://3voor12.vpro.nl/lokaal/den-haag/artikelen/overzicht/2024/december/Jaarlijstje-redactie-3voor12-Den-Haag-2024.html>

E number di e punkrockband aki ‘Lilith Left The Garden’ ta un inspiracion di e figura mythologico Lilith, cu a bandona e Hofi di Eden den rebeldia contra sumision, como symbolo pa autonomia y



emancipacion. Nan musica ta revela e temanan aki pa medio di e energia crudo cu ta resalta y letra cu ta pone bo pensa, combina cu e presentacion cu ta hiba bo den su gara.

E ta hiba bo na un busqueda pa discubri bo mes, libertad personal den un mundo patriarco y resistencia social mira atraves di un lens postfeminismo.



ADDONSITO HONRA CU MC AWARD 2024



E siman cu a pasa Addonsito Croes a ricibi na Divi Lounge di Ritz Carlton, for di su ruman muhe Erin Croes, rondona pa varios premiado, e award di maestro di ceremonia "MC" di año 2024. Esaki tawata na nomber di oyentenan di Magic 96.5 FM. "Un MC ta keda e bos y cara di un evento y comotal merece tur respet di mundo".

MC
Ultimo añanan, mas cu 300 tawata e evento- of shownan na Aruba cu e tawata MC. Addonsito ta honra y ta gradici tur cu ta brind'e e confiansa di presenta nan evento. Mayoria ta riba base voluntario. Algun fundacion of organisacion cu e ta gradici hopi ta Cas Princesa Aruba, Scol di Musica Rufo Wever, Klein Aruba, Lillyputter

& Little Bird speelschool, Filomena College Mavo, Colegio Santa Filomena, Berea movie Aruba, Wallpaintings Aruba, Maria school, Tiger Taekwondo, Giants Aquatics Aruba, KiNiKi festival, Parke Arikok, DCA, Popcorn Club Aruba, Chaco Taekwondo, Impact Taekwondo, Paseo Herencia Aruba, Colegio Nigel Matthew, CB Brazil, Pierewietje & Flash, ATA, Reina Cultural, MiCutisa, Go Cultura, Plaza 18 di maart, Cinearuba, Playa Film Festival, Aruba Sport Unie, Cas di Cultura, Little Beauty y Pre Teen Aruba, Divi Resorts, Aruba Tourist Carnival Group, Princess Beauty, Universal Costume festival, Vadavas Aruba y celebracionnan di halloween, dia cultural, educativo, Sesosport y weganan, fiesta di mucha,

casamento, lansamento di productonan nobo y mas.

Prensa

Danki na Prensa p'e cooperacion di semper. Pa medio di Prensa mi ta haya e oportunidad di sostene fundacionnan cu kizas por uza e atencion ricibi. Danki e.o. Awemainta, 24ora, EAnews, Solo di Pueblo, Diario, Xclusivo, Bon Dia Aruba, DiarioTV, Focus, Mas Noticia, Astrid bisami, Trempan, Noticia Cla, 297sports, Boletin Extra, Telenoticia, Diario online, Magic96.5 fm, BoGuia fm, Mas fm, Cool fm, Hit94, Top fm 95, Click on Aruba, Aruba Native, Heart radio, Hot fm, Fresh fm, Aruba Fm, Antilliaans dagblad, Rex Aruba, Amigoe di Aruba, Canal 90, Hits 100 fm, Vip radio, Power fm, Blue fm, XFM, Mainta cu Lelicia, Mega 88, La Mania, GFM



Galactica, Djis pa Hari, La Gozadera, Eddie Peterson "Jan Poets", Nos Mainta, Caliente, Cita cu Morgan y Stan, Astrid Vries, Click On Aruba, Gozadera, NaUndaNews cu Quincy Hasham, Bon dia Aruba cu Erin, Sabiduria den nos alegria, Acceso Total, Bo ta corda cu Juancito Giel y Juan Carlos Hill y tambe su oyentenan

di ARUBANITA & ANDICURI BUNITA den Na Drempe di fin di Año y Pasco Encanta na Magic fm cu Erin Croes.

Finalmente Addonsito ta gradici y felicita cada artista, reportero of deportista na Aruba cu semper ta brinda nos nan talento excepcional. Sigui briya semper!

Clasificados

SOLODIPUEBLO@GMAIL.COM
CEL. 585 9500

SABIDURIA DEN NOS ALEGRIA

Skirbi pa Ruth”Lady Ruth” Vrieswijk-Bergen



Shonnan tur un bon dia yen di sabiduria den nos alegria ! Awe nos lo comparti un chispa di 2 bunita anochi na Unoca , casi na final di anja pasa ,un, e tremendo exposicion di Caha di Orgel. Aki na Aruba tin hopi caha di orgel y tin di 100 anja biuew ! Nan tur a ricibi un bunita certificado di aprecio y gradicimento for di Unoca y tambe un copia di e poema di Ruthy. Y dos, nos lo comparti tambe un algo di e dushi y bunita actividad Toke di Pascu na cual ocasion nos a recita un poema, dedica na ocasion di e despedida di e bunita y carismatico Director profesional di Unoca Ray-Anne Hernandez cu a join e team di Unesco y sigui comparti , inspira y engrandece su conosemento y capacidadnan profesional den Unesco. Prome e poema dedica na tur e donjonan,

tocadonan di caha di orgel. “NOS CAHA DI ORGEL” Nos caha di orgel ta yena nos curason cu dushi melodia E ta papia cu nos den su mesun bos claba, e ta un fuente di alegria Cu bendicion di bon Dios, cu a duna trahadornan y tocadornan di caha di orgel bunita talento pa hasi nos tur contento E “tingilingi box” pa nos turistanan den Bon bini festival Nos dushi caha di orgel fuerte y fiel, musica unico dushi y original Cada caha di orgel ta unico y sensacional, ankra den nos cultura cu su mesun dulzura Tono di nos tradicion pa semper den mente alma y curason Pabien y danki na tur cu tin un of mas caha di orgel cu ta resona

Nos isla Aruba ta bendiciona.

E sigiente poema dedica na e bunita cara y curason di Unoca pa 8 anja.

RAY-ANNE HERNANDEZ

E ta bay sigui riba su biahe di bida, hasi mas cosnan riba tereno cultural social cu e ta stima

Despues di 8 anja como director di Unoca, un hende muhe cu un bunita lus den su curason

El a traha cu inspiracion y dedicacion, e merece un copa di responsabilidad y lealtad

Su dande ricibi den December 2024, cu gradicimento di nos tur cu ta creativonan bibo

y talentoso, Ray-anne a lidera su bon team cu alegria y gozo

Aruba y artistanan ta respete y stime, pero e ta bay ey mes, traha cu Unesco

Cu e mesun amor y pasion bunita dushi y fresco riba bayle di musica folklore cu tanto e ta gusta

Cu lo acompanyele semper den tur color, den melodianan di amor

Sigui luci y briya lieve Ray-anne di Unoca, bo lo ta awor Ray-anne di Unesco y di Aruba

Bo lo sigui cosecha cosnan bunita y unico sin duda

Sea bendiciona den bo bida y den bo carera profesional, manera bo no tin 2 igual

Danki pa 8 bunita anja di



amistad, pa bo hopi exito y felicidad !

Lady Ruth a recita e poema pa Ray-anne, durante nan dushi actividad Toke di Pascu, organisa pa Josephine Peterson “Josie” di Unoca masha masha bunita mes hinka den otro cu aguinaldos, un grupo di bayle, mesanan cu obranan di man, un bar y cushina bon surti. Esey tawata den December anja pasa y un tiki prome cu e fecha ey tawatatin e exposicion di cahanan di orgel. Nos a comparti toch un crenchi di e dos bunita actividadnan aki ariba peticion di lectornan cu ta pidi nos. Danki pa e atencion di curason ! Ta manera riba facebook cu pics “Back in

time”, cu bunita recuerdonan bale la pena comparti sigur. Un “bearhug” di Ruth”Lady Ruth” Vrieswijk-Bergen. Keda pendiente pa hanja sa un crenchi mas di su prome buki pa mucha, na idioma papiamento cu ta obtenibel na e librerianan. Un dushi storia titula “Rene su dushi wega”. Un otro sonjo realisa danki na e 4 forsanan grandi na su banda : Dios, su esposo, Unoca y Aruba bank cu lo regala scolnan basico un of dos buki pa nan bibliothek. Sin lubida, su man drechi den henter e proyecto :Queen Irene Peterson, pa e layout y ilustracionna bunita ! Un bon y felis siman colma di salud, alegria y sabiduria cada dia di nobo regala na nos danki na nos Bon Dios.

POLIS A DETENE UN HOMBER CU TABATA TIN UN MAMA CU SU 2 YIUNAN SECUESTRA Y TA MALTRATANDONAN



Diasabra anochi a drenta informe di cu un stem di mucha hopi preocupa a yama polis indicando cu na Verano tin un homber cu tin 2 mucha cu nan

mama secuestra y ta maltratandonan. Pero e mucha no por a bisa unda exactamente door di e susto. Mesora a dirigi varios patruya pa busca den e vecindario pero ni asina a logra haya e cas. Na un dado momento e mucha a bolbe yama y a bisa di a wak polis pasa dilanti nan cas. Na e momentonan cu un patruya tabata pasando dilanti e cas e muchanan a core subi e patruya. Polis a bisa e muchanan pa nan warda den e patruya cu eyden nan ta safe. Polis a topa cu e mama y a papia cu e mama y a trankilis'e. Polis a papia cu e homber y a detene pa maltrato y secuestro.



POLIS CU CONTROL RIBA AUTONAN HASTA RIBA DIA DI FIESTA



Diasabra atardi nos por a mira cu polis a para un auto pa un control tur esaki den cuadro di un trafico mas sigur riba caminda. Pues aki por mira cu control tin tur dia y tur ora por spera di cu polis para abo of otro hende.

Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)


Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhela consciente y inconscientemente nos tur ta anhela di experiencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.
Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.
Amen

Liquid light

Biblioteca Nacional Aruba a ricibi algun ehemplar di Lily Clarisa su di tres obra pa su coleccion, tanto na edificio central como nos sucursal San Nicolas y e coleccion nacional (Dept. Arubiana). Su titulo ta ‘Liquid light’. (Luz likido) Otro obranan cu biblioteca tin di e poeta Lily Clarisa ta ‘Lost love poems’ y ‘Illuminated darknes’. ‘Liquid light’ ta un coleccion di poema na Ingles. Tema di e poemanan ta amor.



SUDOKU

| | | | | | | | | |
|---|---|---|---|---|---|---|---|---|
| 8 | | | 3 | | | | | |
| 3 | | | | | 5 | | | |
| | | 9 | 1 | | 4 | | | |
| | 4 | | | 8 | | 7 | | |
| 6 | | | | | | | | 2 |
| | | 8 | | 2 | | | 3 | |
| | | | 7 | | 9 | 6 | | |
| | | | 2 | | | | | 5 |
| | | | | | 8 | | | 4 |

| | | | | | | | | |
|---|---|---|---|---|---|---|---|---|
| | | 9 | 8 | | | | 4 | |
| 4 | | | | 5 | | | | |
| | | | 7 | 1 | | | | 9 |
| | | | | | | 8 | | 1 |
| | 5 | 8 | | | | 4 | 7 | |
| 6 | | 3 | | | | | | |
| 5 | | | | 7 | 1 | | | |
| | | | | 4 | | | | 2 |
| | 7 | | | | 9 | 1 | | |

| | | | | | | | | |
|---|---|---|---|---|---|---|---|---|
| | | 7 | 1 | | | | 5 | |
| | | | | 7 | 4 | 8 | | |
| | 2 | | 3 | 8 | | | 7 | 6 |
| | | | | 4 | 8 | | 1 | 9 |
| | | 8 | | | | 5 | | |
| 6 | 9 | | 5 | 3 | | | | |
| 8 | 7 | | | 1 | 9 | | 3 | |
| | | 3 | 8 | 5 | | | | |
| | 1 | | | | 3 | 9 | | |

FORTALEZA PA FAMILIA

Scirbi pa Pastor Marcel Balootje.

FALTA DI PORDON, ORGUYO, Y REBELDIA, TA HABRI PORTA PA E ENEMIGO

Ken ta e enemigo di nos bida, ken ta esun cu a bini solamente, pa horta, pa mata y pa destrui, Su number ta e diabel, satanas, kende ta odia ser humano, pasobra nan tin contacto cu Dios, pasobra nan ta creacion di Dios, y Dios kier pa nan tur wordo salba y no bay perdi.

Pero mas grandi su Odio ta bira contra esnan cu a entrega nan bida na Cristo Hesus y a bandona e malicia di mundo, y a pone Cristo na prome lugar y tin e autoridad pa reprende e diabel, e maligno den number di Cristo Hesus, y mande pa tera seco.

Porta te ainda den bo bida bo no a scucha esey .pero e diabel ta e autor di tur orguyo, mentira y rebeldia, y ta pesey Cristo Hesus a bini na mundo pa destrui e obranan di e diabel.

Y E a duna autoridad na tur esnan cu ta kere den dj'E pa saca demonjo den number di Cristo Hesus. Pasobra E a bisa e senjalnan aki lo sigi esnan cu ta kere den dj'E y E a menciona esaki na prome lugar cu den Su number nan lo saca demonjo, pasobra e ta nos adversario, cual tur esnan cu ta stima Cristo ta den gera cune.

Awor ora hende no kier perdona, of ta practica falta di pordon, y ora orguyo y rebeldia ta

presente den bida, e porta di e bida ta habri pa e enemigo, pasobra esey ta tapijt corra pa e diabel cana riba dje.

Falta di pordon ta wanta hende den pasado, falta di pordon ta stroba crecimiento spiritual, falta di pordon ta danja relacion di hende cu otro y ta kibra amistad.

Hende cu no kier perdona, ta prefera bay hues y kibra matrimonio, pasobra nan no kier habri nan boca y pidi dispensa, pa motibo di orguyo y rebeldia.

Falta di pordon ta produci rabia, cu ta cambia den stress, depresion y amargura ora hende no kier laga los, y amargura por contamina henter un cas (Hebreonan 12:14-15), y asina herida famia completo.

Ora amargura sigi wordo fortaleci pa rebeldia y orguyo e por afecta salud mental di hende.

Pesey den hopi caso caminda dokter no ta compronde e motibo di dolor di cabes, e motibo di presion halto y sucu ta subi baha, e calmante for di paracetamol te valium no ta yuda, of remedinan mas fuerte, ta motibo cu tin algo scondi den e bida, un falta di pordon, un duele di pasado, y mas cu tur cos e orguyo y rebeldia ta domina e bida cu asina e persona no ta laga los.


Aki nan nos a yega na e lugar caminda solamente e Sanger di Hesus por kibra e fuente di falta di pordon, orguyo y rebeldia, pasobra e Sanger Hesus cu a wordo derama na crus di Calvario hamas lo perde su poder.

Pesey e palabra di Dios ta bisa nos cu si nos confesa nos pica, E ta fiel y husto di perdona nos, nos picanan y libra nos di tur inhusticia (1 Juan 1:9). Pero tambe e palabra di Dios ta bisa nos: Cu esun cu sconde su pica lo no prospera, ma esun cu confesa su pica lo alcanza misericordia.














Sea sobrio , sea alerta. Boso adversario, e diabel , ta cana rond, manera un leon cu ta grunja, buscando ken e por devora. (1 Pedro 5:8).


Keda vigila y haci oracion, pa boso no cay den tentacion, e spirito ta boluntario, ma e carni ta debil.(Mateo 26:41).


















Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - January 26, 2025

|  <p>Sorteo # 8457</p> <p>0398</p> <p>6524</p> <p>0425</p> <p>X2</p> <p><p>Sorteo # 7501</p><p>5040</p><p>X2</p><p><p>Sorteo # 2206</p><p>4465</p><p><p>Sorteo # 6260</p><p>9988</p><p>Acuario</p><p><p>Sorteo # 1190</p><p>050</p><p>X2</p></p></p></p></p> |  <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">240.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table> | Sorteo # | Joker | Letter | 0 x Jackpot | Proximo Jackpot | | 0 x Match 4+ | 240.000,- | | 0 x Match 4 | | | 0 x Afl. 12,00 | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------|-------|--------|-------------|-----------------|--|--------------|------------------|--|-------------|--|--|----------------|--|--|
| Sorteo # | Joker | Letter | | | | | | | | | | | | | | |
| 0 x Jackpot | Proximo Jackpot | | | | | | | | | | | | | | | |
| 0 x Match 4+ | 240.000,- | | | | | | | | | | | | | | | |
| 0 x Match 4 | | | | | | | | | | | | | | | | |
| 0 x Afl. 12,00 | | | | | | | | | | | | | | | | |
|  <p>Sorteo # 6723</p> <p>0 x Jackpot</p> <p>13 x Match 4</p> <p>309 x Afl 8,00</p> | <p>04-10-11-12-21</p> <p>Proximo Jackpot</p> <p>52.000,-</p> | | | | | | | | | | | | | | | |
|  <p>Sorteo # 1735</p> <p>0 x Jackpot</p> <p>2 x match 4</p> <p>19 x Afl. 500,00</p> <p>227 x Afl 50,00</p> <p>328 x Afl.15,00</p> | <p>02-07-13-24</p> <p>Mega Ball 03</p> <p>Proximo Jackpot</p> <p>800.000,-</p> | | | | | | | | | | | | | | | |
|  <p>Sorteo #</p> | <p>Afl. 1.250.000,-</p>  | | | | | | | | | | | | | | | |



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 26, 2025

|  <p>Sorteo # 4518</p> <p>0871</p> <p>9222</p> <p>8413</p> <p>X2</p> <p><p>Sorteo # 4518</p><p>3382</p><p>X3</p><p><p>Sorteo # 2574</p><p>2063</p><p><p>Sorteo # 4518</p><p>0429</p><p>Scorpio</p><p><p>Sorteo # 1392</p><p>938</p><p>X2</p></p></p></p></p> |  <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">240.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table> | Sorteo # | Joker | Letter | 0 x Jackpot | Proximo Jackpot | | 0 x Match 4+ | 240.000,- | | 0 x Match 4 | | | 0 x Afl. 12,00 | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------|-------|--------|-------------|-----------------|--|--------------|------------------|--|-------------|--|--|----------------|--|--|
| Sorteo # | Joker | Letter | | | | | | | | | | | | | | |
| 0 x Jackpot | Proximo Jackpot | | | | | | | | | | | | | | | |
| 0 x Match 4+ | 240.000,- | | | | | | | | | | | | | | | |
| 0 x Match 4 | | | | | | | | | | | | | | | | |
| 0 x Afl. 12,00 | | | | | | | | | | | | | | | | |
|  <p>Sorteo #</p> <p>0 x Jackpot</p> <p>4 x Match 4</p> <p>119 x Afl 8,00</p> | <p>04-06-12-17-21</p> <p>Proximo Jackpot</p> <p>53.000,-</p> | | | | | | | | | | | | | | | |
|  <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl 50,00</p> <p>0 x Afl.15,00</p> | <p>04-06-12-17-21</p> <p>Mega Ball</p> <p>Proximo Jackpot</p> <p>800.000,-</p> | | | | | | | | | | | | | | | |
|  <p>Sorteo #</p> | <p>Afl. 1.250.000,-</p>  | | | | | | | | | | | | | | | |